



# “ЯНГИ ЎЗБЕКИСТОН” МАССИВЛАРИ очиқ майдонларда замонавий лойиҳалар асосида қурилмоқда

**Давлатимиз раҳбарининг 2021 йил 9 декабрдаги “Янги Ўзбекистон” массивларини қуриш ва ҳудудларнинг ижтимоий-иқтисодий ривожланишини таъминлаш чора-тадбирлари тўғрисида” ги фармони асосида Самарқанд вилоятининг Ургут ва Булунғур туманларида “Янги Ўзбекистон” массивлари қурилмоқда.**

Аҳолининг уй-жой шароитини яхшилаш, ҳудудларда замонавий шаҳарсозлик талаблари асосида кўп қаватли уй-жойлар, ижтимоий соҳа ва инфратузилма объектлари ҳамда муҳандислик-коммуникация тармоқлари қурилишини жадаллаштириш, ер ресурсларидан оқилона фойдаланиш ва аҳоли пунктларининг урбанизация жараёнини ривожлантириш мақсадида 2022 йилда бошланган ишлар айна пайтда ҳам қизғин давом этмоқда.

– “Янги Ўзбекистон” массивлари аввалдан турар жой ёки бошқа объектлар бўлган жойларда эмас, очиқ майдонларда бутунлай янгидан, замонавий лойиҳалар асосида қурилмоқда, – деди Булунғур тумани ҳокими ўринбосари Норбўта Санақулов. – Массивлар асосан, аҳоли истиқомат қилиши учун ташкил этилмоқда ва бу масканларда уй-жойлардан ташқари,



мактаб, боғча, спорт ва маданият муассасалари, савдо ва хизмат кўрсатиш объектлари бўлади. Марказлашган ичимлик сув, оқова тармоқлари ва бошқа зарур коммуникация тизимлари яратилади. Бир сўз билан айтганда, номига муносиб тарзда шаҳарча қурилишидаги кўркам турар жой мажмуаси бунёд этилади.

Бизнинг туманимизда ҳам М-37 йўли ёқасида, Ғубдин маҳалласи ҳудудидан 24 гектар очиқ ер майдони ажратилиб, ўтган йил қурилиш ишлари бошланган эди. Бу ерда шу пайтгача умуман, уй-жой ва бошқа ижтимоий соҳа объектлари бўлмаган. Фақатгина, икки йил олдин учта, кўп қаватли уй қурилиб, аҳолига топширилган эди.

Эндиликда ушбу маскан мингдан ортқ хонадонли кўп қаватли уйлардан иборат шаҳарча бўлади.

Фармон асосида мазкур массивда 2022-2024 йилларда 1160 хонадонли 58 кўп қаватли уй, иккита умумтаълим мактаби, учта мактабгача таълим ташкилоти, 8 спорт ва соғломлаштириш маркази, шу-



нингдек, оилавий поликлиника, маҳалла маркази, ИИБ таянч пункти, маданият уйи, ёшлар маркази, IT-парк, савдо ва хизмат кўрсатиш нукталари қурилиши кўзда тутилган. Ўтган йил массив бош режасига асосан ҳар бири 20 хонадондан иборат 18 беш қаватли уй қурилиши бошланган эди. Уларнинг аксариятида ишлар якунига ет-

моқда. Жорий йилда эса 25 уй қурилиши бошланди.

Шунингдек, ичимлик сув, табиий газ тармоғи тортилди. Уйлар қурилиши якунига етиши билан йўл ва бошқа коммуникация тизимлари яратиш ишлари бошланади.

– “Янги Ўзбекистон” массивида ўтган йил 20 хонадонли битта беш қаватли уй қурган эдик, – деди “Меъмор” хусусий корхонаси иш бошқарувчиси Сайфиддин Тўраев ЎЗА муҳбири Ғолиб Ҳасановга. – Бу йил эса яна учта шундай уй қуришни зиммамизга олганмиз. Ҳозирда учта уйда ҳам қурилиш ишлари давом этмоқда. Октябр ойига қадар хонадонларни фойдаланишга топшириш белгиланган. Икки ва уч хонадонли бу уйларнинг биринчи қаватида савдо ва хизмат кўрсатиш шохбачалари бўлади.


Бош режага кўра, уйларни иситиш тизими ҳам марказлашган ҳолда амалга оширилади. Яъни беш-олтита уй учун алоҳида иситиш тизими бўлади. Тендер танлови асосида бу вазифани амалга оширадиган қурилиш ташкилоти ҳам аниқланиб, ишларга киришилди. Янги тартибга кўра, массивдаги кўп қаватли уйларнинг том қисмига қуёш панеллари ўрнатилмоқда. Шунингдек, уйларнинг ярим ертўласидан самарали фойдаланиш мақсадида турар жойга мўлжалланмоқда. Бу хонадонлар ҳокимлик томонидан уй-жойга муҳтож фуқароларга берилиши кўзда тутилган.

Мутасаддиларнинг айтишича, массивдаги кўп қаватли уйларнинг бир қисми жорий йил сентябрь ойигача, қолгани йил якунига қадар фойдаланишга топширилиши режалаштирилган.

## ҚУРИЛИШ ВА УЙ-ЖОЙ КОММУНАЛ ХЎЖАЛИГИ ВАЗИРЛИГИДА

### Янги массивлар кўздан кечирилди

Қурилиш ва уй-жой коммунал хўжалиги вазирининг биринчи ўринбосари Шерзод Ҳидоятлов Хоразм вилоятида қуриляётган “Янги Ўзбекистон” массивлари билан танишди.



Хусусан, Шерзод Ҳидоятлов уйларнинг коммуникация тармоқларига уланиши, иситиш тизимлари, уларнинг лойиҳа ҳужжатларига мослиги ва қурилиш сифатига алоҳида эътибор қаратди. Ўрганиш ишлари вилоятнинг Кўшкўпир, Янгиарик ва Тупроққалъа туманларида олиб борилди. Қурилишда кўзга

ташланган камчиликлар бўйича мутасаддиларга тегишли кўрсатмалар берилди. Таъкидлаш лозимки, Хоразм вилоятида ўтган йили “Янги Ўзбекистон” массивларида 22 та кўп қаватли уй қурилиши бошланган ва 15 таси фойдаланишга қабул қилинган. Қолганларида ҳам қурилиш иш-

раининг 80-85 фоизи бажариб бўлинган. Шунингдек, жорий йилда 33 та кўп қаватли уй ёки 800 та хонадан барпо қилиниши белгиланган бўлиб, айна кунларда қурилиш ишлари давом этмоқда. Мазкур ишлар жорий йилнинг сентябрь-октябрь ойларида тўлиқ якунига етказилиши режалаштирилган.

### Навбатдаги ҳисобот йиғилиши бўлиб ўтди

Бугунги кунда пойтахтимизда янгидан-янги бино ва иншоотлар қурилиб, шаҳар кўрки тубдан ўзгариб бормоқда. Мазкур ўзгаришлар жараёнида амалга ошириляётган ишлар юзасидан Халқ депутатлари Тошкент шаҳар кенгашининг sanoat, транспорт, қурилиш, коммунал соҳа ва аҳолига хизмат кўрсатиш масалалари бўйича доимий комиссиясининг навбатдаги ҳисобот йиғилиши бўлиб ўтди.

Унда Ўзбекистон Республикаси Вазирлар Маҳкамасининг “Қурилиш соҳасига оид ягона маъмурий қурилиш регламентларини тасдиқлаш тўғрисида” 2022 йил 20 апрелдаги 200-сон қарори ижросини таъминлаш бўйича Тошкент шаҳар Қурилиш ва уй-жой коммунал хўжалиги бошқармаси бошлиғи С.Тўхтаев ва бир қатор ташкилот раҳбарларининг 2022 йил якуни ҳамда 2023 йил биринчи чорагида амалга оширилган ишлар юзасидан ҳисоботи тингланди.

Жумладан, бино ва иншоотларнинг ташқи кўринишини ўзгартиришни келишиш, қайта ихтисослаштириш ва реконструкция қилиш ҳамда ўз ҳудудда кўшимча бино ва иншоотларни қуришни лойиҳалаштиришга рухсатнома бериш, “Шаффоф қурилиш” миллий ахборот тизимини такомиллаштириш ҳамда электрон тендер платформасидан тизимли фойдаланиш, Тошкент шаҳрида олиб бориляётган қурилиш олди ҳужжатлари бино ва иншоотларнинг ташқи кўринишини ўзгартиришни келишиш, архитектура режалаштириш топшириқларини ишлаб чиқиш, лойиҳа-смета ҳужжатларини келишиш, қурилиш-монтаж ишлари тугалланган объектдан фойдаланиш учун рухсатнома бериш, кўчмас мулк тўғрисидаги маълумотномаларни бериш каби масалалар кўриб чиқилди.

Йиғилишда тақдим этилган лойиҳалар депутатлар томонидан инобатга олинди, қурилган объектларнинг сифати ва қурилиш муддатлари, йўл хариталари ҳамда аввал аниқланган ноқонуний қурилмаларнинг бартараф этиляётганлигини жойига чиққан ҳолда кўриш таклифи билдирилди.

### Раҳбарият қабули ташкил этилди

Қурилиш ва уй-жой коммунал хўжалиги вазирлигида вазирнинг биринчи ўринбосари Шерзод Ҳидоятлов ҳамда вазир ўринбосари Озода Жўраева иштирокида раҳбарият қабули ўтказилди. Унда жисмоний ва юридик шахсларнинг коммунал соҳага оид бир неча мурожаатлари қабул қилинди.



Хусусан, аҳолининг кўп квартиралари уйларга хизмат кўрсатувчи бошқарув ташкилотлари фаолиятдан норозилиги, биллинг тизими, ташкилотлараро муносабатлардаги тушун-

мовчиликлар, уйнинг кириш йўлагини таъмирлаш ва бошқа масалалар юзасидан 10 га яқин мурожаати қабул қилинди. Мутасаддилар бошқарув ташкилотлари вакилларига

фаолият олиб боришда ишчи-ходимларнинг техник хавфсизлигини таъминлаш, уларни мутахассислик бўйича ўқитиш масалаларига жиддий эътибор беришларини таъкидлашди.

### Жаҳон банки миссияси вакиллари билан учрашув

Қурилиш ва уй-жой коммунал хўжалиги вазирлиги мутасаддилари ҳамда Жаҳон банки миссияси вакиллари ўртасида учрашув ташкил этилди.



Унда миссия томонидан ишлаб чиқилган “Но-гиронлиги бўлган одамларнинг инклюзивлигига техник ёрдам” дастури доирасида инфратузилма, маданий ва маиший объектлардан фойдаланиш имкониятини яхшилашга кўмаклашиш юзасидан аудит ўтказиш ҳамда мазкур йўналишда норматив-ҳуқуқий базани такомиллаштириш масалалари муҳокама қилинди. Бу борада янги дастурлар ишлаб чиқиш лозимлиги алоҳида таъкидланди.

Шунингдек, Жаҳон банки экспертлари то-

монидан ногиронлиги бор, жисмоний имконияти чекланган шахсларнинг ижтимоий инфратузилма объектларидан фойдаланиши ва жамоат жойларида эркин ҳаракатланиши учун шароитларни яхшилаш бўйича қурилиш ва лойиҳалаштириш ташкилотларини жалб қилган ҳолда семинар-тренинг ўтказиш режалаштириляётгани айтилди.

### Ичимлик сувидан тўғри фойдаланиш бугунги кун талаби

Қурилиш ва уй-жой коммунал хўжалиги соҳасида назорат қилиш инспекцияси ҳамда “Сурхондарё сув таъминот” МЧЖ ходимлари ҳамкорлигида ичимлик сувидан белгиланган қондалар асосида фойдаланишни назорат қилиш, аниқланган ноқонуний ҳолатларни бартараф этиш ва ҳуқуқбузарларга нисбатан ваколат доирасида чора кўришни ташкил этиш мақсадида Бойсун туманида ўрганиш ишлари олиб борилди.

Ишчи гуруҳ томонидан ўрганишлар тумандаги “Хўжайма-Бойсун” магистрал ичимлик сув тармоғи ҳамда тумanning Шифобулоқ маҳалласида олиб борилди. Унда ичимлик сув узатувчи ички тармоқ орқали ноқонуний уланган 16 та ҳолат аниқланиб, шундан 14 таси бўйича ҳуқуқбузарларга нисбатан маъмурий жарималар расмийлаштирилди. Шунингдек, магистрал тармоқда 5 та носозлик (авария) ҳолати мавжудлиги, мазкур

муаммо ўз вақтида бартараф этилмаганлиги туфайли 728,8 млн сўмлик 607,3 минг куб метр сув исроф бўляётгани аниқланди.

Бундан ташқари, 36 километр узунликда бўлган магистрал тармоқни текшириш учун назоратчи штабти ажратилмаганлиги, бу эса тармоқда ноқонуний улаш ҳолатларининг кескин кўпайиб кетиши ва эксплуатация даври қисқаришига сабаб бўлмоқда.

# Қурилиш материалларининг сифати долзарб масала

Муродбек ХАЙДАРОВ,  
"O'zbekiston bunyodkori" мухбири.

**Ахборот ва оммавий коммуникациялар агентлигида "Қурилиш материаллари ишлаб чиқариш ҳамда қўллашда сифат ва назорат масалалари" мавзусида матбуот анжумани бўлиб ўтди. Тадбирда Қурилиш ва уй-жой коммунал хўжалиги вазирлиги, "Ўзсаноатқурилишматериаллари" уюшмаси, Техник жиҳатдан тартибга солиш агентлиги раҳбарияти ва мутасаддилари иштирок этишди.**

Матбуот анжуманида бугунги кунда қурилиш материаллари ва соҳага оид стандартлар рўйхати таҳлил қилиниб, 3 364 та стандартлар мавжуд экани маълум қилинди. Таҳлиллар натижасига кўра, мазкур стандартларнинг 700 га яқинини янги, халқаро тажрибага асосланган стандартлар билан алмаштириш ва уларни босқичма-босқич амалиётга жорий этиш белгиланган.

– Жорий йилдаги дастуриймида 44 та шахарсозлик нормалари ва қоидаларини 14 та умумлаштирилган нормалар сифатида янгилаш белгиланган, – деди Қурилишда техник меъёрлаш ва стандартлаштириш илмий-тадқиқот институти директори Шерзод Содиков. – Ушбу дастур асосида институт томонидан бир қатор ишлар амалга оширилмоқда. Айтиш керакки, ишлаб чиқариладиган шахарсозлик нормалари қабул қилинишидан олдин бир қатор ижтимоий тармоқлар орқали муҳокамага қўйилди. Ёзилган изоҳлар ҳамда Телеграм ботларимизга келиб тушган тақриф ва фикр-мулоҳазалар мутахассислар томонидан кўриб чиқилади. Техник кенгаш томонидан мақсадга мувофиқ, деб топилганлари албатта, инobatга олинади.

Қайд этилишича, жорий йилнинг биринчи ярим йиллик иш режасига кўра 30 та давлат стандартлари халқаро ва илгор хорижий мамлакатларнинг тажрибаси асосида қайта кўриб чиқилган. Шунингдек, янги тахрирдagi "Стандартлаштириш тўғрисида"ги Ўзбекистон Республикаси Қонуни талабларига мувофиқ миллий стандартлар



Стандартлаштириш бўйича техник кўмиталар томонидан ишлаб чиқиши белгиланган.

Тадбирда маълум қилинишича, 2023 йилнинг 1-чора-гида қурилиш соҳасида 5,1 трлн сўмлик маҳсулот ишлаб чиқарилиб, ўсиш суръати 104,7 фоизни ташкил этди. Ушбу давр мобайнида 2,5 тонна цемент ишлаб чиқарилган. Биржа савдоларида сотилган 515,4 минг тонна цемент истеъмолчиларга етказиб берилган.

– Агентлигимиз томонидан 3 870 та корхонада профилактика тадбирлари ўтказилди, – деди Ўзбекистон техник жиҳатдан тартибга солиш агентлиги Давлат назорати департаменти бўлим бошлиғи Шухрат Суяркулов. – Мазкур назорат тадбирлари натижасида корхоналарнинг 429 тасида стандартлар жорий этилмаганини, 745 тасида метрология қоидалари бузилганлиги ҳамда 426 тасида маҳсулотлар сертификатсиз реализация қилинганлиги аниқланди. Шунингдек, 106 та корхонада Бизнес Омбудсман талаблари асосида давлат назорати ўтказилди. Натижада, 62 та маҳаллий корхонанинг 110 турдаги қурилиш материаллари амалдаги техник регламент ва стандартларга номувофиқлиги аниқланди. Бундан ташқари, импорт қилинаётган хомашёлар ҳам назорат қилинмоқда.

Мазкур йўл билан келган 105 турдаги қурилиш материаллари техник регламент ва стандартларга мос эмас деб топилди. Корхоналарга ушбу маҳсулотларни сотишни тўхтатиб туриш бўйича кўрсатмалар берилди, камчиликлар аниқланган корхона раҳбарлари жаримага тортилди.

Ўзбекистон Республикаси Президентининг 2021 йил 2 июндаги ПҚ-5133-сонли қарориди ҳам миллий техник кўмиталарни стандартлаштириш бўйича халқаро ташкилотлар фаолиятида фаол иштироки соаноат тармоқларини ривожлантиришнинг асосий индикаторларидан бири сифатида белгиланган. Шунга кўра, қурилиш соҳасида Стандартлаштириш бўйича техник кўмита фаолияти қайта ташкил этилмоқда. Техник кўмитани ташкил этишдан асосий мақсад, уни халқаро (ISO, IEC) ва минтақавий (МГС) стандартлаштириш бўйича ташкилотларнинг техник кўмиталарига аъзолигини таъминлаш орқали халқаро амалиётда ишлаб чиқариётган стандартларга миллий талабларни киритиш ҳамда маҳаллий ишлаб чиқарувчиларни жаҳон бозорларида тенг рақобат қила олишига қумаклаштириш.

Матбуот анжуманида шу каби бугунги куннинг долзарб масалалари қизгин муҳокама қилинди.

# Ижтимоий соҳа объектлари ўрганилди

Жаҳонгир ФОЗИЛОВ, "O'zbekiston bunyodkori" мухбири.

**Хабарингиз бор, Ўзбекистон Республикаси Президентининг 2022 йил 30 декабрда "2023-2025 йилларда Ўзбекистон Республикасининг ижтимоий ва ишлаб чиқариш инфратузилмасини ривожлантириш чора-тадбирлари тўғрисида"ги қарори қабул қилинди. Мазкур қарорга мувофиқ, жамоатчилик фикри ва аҳоли истақлари асосида 2023-2025 йилларда мамлакатнинг ижтимоий ва ишлаб чиқариш инфратузилмасини ривожлантириш дастури қабул қилинган.**



Ушбу дастур асосида Бухоро вилоятида ҳам жорий йилда ижтимоий иншоотларни қуриш, реконструкция қилиш, мукамал таъмирлаш ва зарур инвентарлар билан жиҳозлаш бўйича манзилли чора-тадбирлар ишлаб чиқилди. Хусусан, жорий йил якунига қадар фақатгина таъмирталаб ёки янгидан қурилиши зарур бўлган умумтаълим мактабларини олсак, таълим даргоҳлари қатнов қувватини 4 минг 598 ўринга кенгайтирилиши режалаштирилган. Шундан, 3 минг 834 ўқув ўрнига эга бино-иншоотни янгидан қуриш, қолганларини мукамал таъмирлаш, давлат ихтисослаштирилган таълим муассасаларида 200 ўринли ётоқхона қуриб фойдаланишга топшириш, қолаверса, чекка ҳудудлардаги мактабларга 3 та спорт зали барпо этиш ва жиҳозлаш учун умумий қиймати 74 миллиард 983 миллион сўм маблағ ажратилмоқда.

Юқоридаги қарор асосида вилоят шаҳар ҳамда туманларида жорий йилда яна ўндан ортиқ мактабгача таълим муассасаси, тиббиёт муассасалари ва бошқа ижтимоий соҳа иншоотларини янгидан қуриш кўзда тутилмоқда. Ушбу қарор ижроси билан танишиш мақсадида вилоят ҳокими Ботир Зарипов Ромитан ва Пешку туманларидаги қурилиш-бунёдкорлик иншоотлари билан таниди.

Дастлаб Ромитан тумани марказида қурилаётган 3-сонли умумтаълим мактабининг қўшимча ўқув биноси бориб кўрилди.

– Асосан рус тилида ўқитишга ихтисослашган бу таълим даргоҳи 2007 йилда қурилган бўлиб, ҳозирда мукамал таъмир ва қўшимча ўқув биносига муҳтож эди, – деди туман Мактабгача ва мактаб таълими бўлими бошлиғи Хайрулла Зайнуллаев. – Негаки, 150 ўринли мактабда тахсил олаётган ўқувчилар сонини яқунланган ўқув йилида 376 нафарга етди ва бу таълим даргоҳини замонавий андозада кенгайтиришни тақозо

Ўрганишлар Пешку туманининг "Чибогони" МФИдаги 43-мактаб ҳамда "Сўсана" МФИдаги 31-сонли мактабгача таълим ташкилотиди давом этди. 43-сонли умумтаълим мактабининг 160 ўринли биноси мустақилликнинг дастлабки йилларида қурилган бўлиб, бугунга келиб муассасида тахсил олаётган ўқил-қизлар сонини 300 нафарга етган. Боз устига, бунда спортсевар ёшлар учун ҳеч қандай шароит мавжуд эмас эди. Юқоридаги қарор туфайли мактаб ҳудудидан 180 ўринли қўшимча ўқув биноси ва 12 метрга 24 метр ўлчамдаги спорт залини қуришга қарор қилинди. Мазкур лойиҳа амалиёти учун инвестиция дастури асосида умумий қиймати 4 миллиард 227 миллион сўм маблағ молиялаштирилган.

– Бинонинг қурилишини жорий йилнинг 20 апрелида бошлаган бўлсак, бугунга келиб икки иншоот молиявий манбасининг 47 фоиз маблағини ўзлаштириш ва лойиҳада кўрсатилган объектнинг 70 фоизини тўла-тўқис қуриб битирдик, – деди пудратчи "Раҳмон Жамшид қурувчи" МЧЖ раҳбари Раҳмон Эшов. – Ҳозирда жамоамизнинг 40 дан ортиқ ишчи-мутахассиси кўмағида ўқув биноси томини ёпиш, спорт зали деворини кўтариш, гишт териш ишларини давом эттиришда. Умумий лойиҳани фойдаланишга топшириш мuddати шу йил 20 сентябрга мўлжалланган бўлишига қарамаддан, биз жамоамиз билан келишган ҳолда икки иншоотни бир ой бурун қуриб битказишни, қолаверса, мактаб атрофини ободонлаштиришни мақсад қилганмиз.

Шу каби иш жараёнини "Сўсана" МФИдаги 31-сонли болалар боғчаси қурилишида ҳам кўриш мумкин. Қарийб ярим гектар майдонни эгаллаган эски ва яроқсиз чўпқори иморат ўрнида бугун пишиқ гишдан икки қаватли, замонавий мактабгача таълим ташкилоти биноси қурилмоқда. Бу лойиҳанинг



зо этарди. Шу боис, давлат инвестиция дастури асосида бу манзилда 210 ўринли мактаб қурилиши бошланди.

Икки қаватли мазкур лойиҳа қиймати 2 миллиард 450 миллион сўм қилиб белгиланган. Ҳозирда пудратчи томон тажрибали қурувчи Уктам Рамазоннов бошчилигидаги "Парвоз комфорт" МЧЖ бунёдкорлари жонбозлик кўрсатмоқда. Айни кунда бинонинг иккинчи қаватини тиклаш, гишт териш ишлари давом эттирилмоқда. Қурувчилар режа-графика биноан, иншоотни 15 августгача тўлиқ қуриб битказиб, фойдаланишга топширишни мақсад қилишган. Мактаб директори Нигора Латипованинг айтишича, талаб даражасида жиҳозланган таълим даргоҳи моддий-техник имкониятлари яхшиланиши ҳисобига ўқув жараёни бир маҳалга ўтказилиши мумкин. Бу эса ўқувчилар учун ҳам қўлайлиқ яратди. Қолаверса, бунда ёш авлодга сабоқ бераётган ўқитувчи-педагоглар сонини янги ўқув йилидан 33 нафардан 43 нафарга ошириш кўзда тутилган.

умумий қиймати инвестиция дастури асосида 4 миллиард 300 миллион сўмга молиялаштирилган. Яқин ойларда ушбу муассаса маҳалла аҳолисининг 120 дан ортиқ жажжи фарзандини ўз бағрига олади. Айни пайтда бу ерда Тolib Икромовнинг МЧЖ шаклидаги "Бобир Азамат Темир" пудрат корхонасининг ўттиздан ортиқ ишчиси меҳнат қилмоқда. Қурувчининг айтишича, бугунга келиб иншоотнинг 30 фойздан ошқ қисми битган ва бунда 1 миллиард 300 миллион сўмлик иш бажарилган. Мактабгача таълим ташкилоти биносини шу йил 1 сентябрь кунига қадар сифатли барпо этиш режалаштирилган.

Вилоят ҳокими томонидан мавжуд камчиликлар юзасидан масуулларга тегишли тавсиялар берилди. Жумладан, ўрганишлар давомида иншоотлар қурилишининг сифатига эътибор қаратиш, замон талабидан келиб чиқиб, аҳолига қўшимча қўлайлиқлар яратиш, объектлар ҳудудини ободонлаштириш каби юмушлар шулар жумласидандир.

# Назорат тадбирлари мунтазам ўтказилмоқда

Орифжон ВАЛИЕВ,

Самарқанд вилояти Қурилиш ва уй-жой коммунал хўжалиги соҳасида ҳудудий назорат қилиш инспекцияси етакчи инспектори.

**Кўҳна ва ҳамиша навқирон Самарқанд вилояти туманларида ҳам бугун кенг қўламли ислохотлар амалга ошириляпти. Бу борада айниқса, жадаллик билан бажарилаётган қурилиш-бунёдкорлик ишларини алоҳида таъкидлаш ўриналиди. Қурилишда сифат доимо биринчи ўринда бўлиши соҳа вакилларида катта масъулият талаб қилиши ҳам бор гап. Шу боис, ҳудудий назорат қилиш инспекцияси томонидан ҳудудларда барпо этилаётган ҳар бир объект доимий эътиборда.**



Яқинда инспекция томонидан давлат дастурлари асосида қурилаётган 27-МТТ биносида ижтимоий соҳа объектларида ўтказилган назорат тадбирлари давомида ҳам бир қатор камчиликлар аниқланди. Жумладан, бинонинг пойдевор қисмига олинган бетон ишлари сифатсиз бажарилган, ёриқлар мавжуд, лойиҳада бетон атрофини кўмиш ишларида тоза тупроқ кўрсатилган бўлсада, аммо жойида қурилиш чиқиндилари билан тўлдирилган. Бу эса бинонинг пол қисми чўкиши ва намланишига олиб келади. Пойдевор қисмида изоляция ишлари қўл учиди бажарилган. Ишчиларга оқватланиш, ювиниш, дам олиш учун керакли шароит яратилмаган. Ижро ҳужжатлари тўлиқ қўрилмаган.

Умуман олганда, юқоридаги объектларда техник, муаллифлик ва пудратчининг ички назорати ўз вақтида олиб борилмаган. Инспекция ходимлари томонидан қурувчиларга сифатсиз бажарилган ишларини бартараф қилиш, яъни қайтадан лойиҳа асосида бажариш юзасидан ёзма кўрсатмалар берилди ҳамда ҳолат назоратга олинди.

Назорат тадбирлари вилоятимизнинг барча ҳудудларида мунтазам ўтказилмоқда.

Навбатдаги назорат тадбирлари туманнинг Бунёдкор маҳалласида "Меъ-

# Овулларга ичимлик суви етказиб берилляпти

Омирбай ЕСБЕРГЕНОВ, "O'zbekiston bunyodkori" мухбири.

**Амударё тумани ҳудудларида аҳолини тоза ичимлик суви билан таъминлаш масаласига алоҳида эътибор қаратилмоқда. Яқинда туманнинг Амир Темур номидаги овул аҳолисига тоза ичимлик суви етказиб бериш мақсадида ер остидан тортиб олинган сувни чучуклаштирувчи ускуналар ўрнатилган "ЭКОС" станцияси ишга туширилди. Ушбу қурилма орқали эндиликда овулдаги 242 та хонадонга чучуклаштирилган сув етказиб берилмоқда.**

Туркменистон Республикаси билан чегарадош ҳудуддаги Амир Темур овули оқар сув йўллари охири қисмида жойлашган. Чекка ҳудуддаги мазкур овул ичимлик суви тармоғига ҳам уланмаган. Аҳолини тоза ичимлик суви билан таъминлаш мақсадида ўтган йили ҳам туман ҳокимлигининг ташаббуси билан 5 млрд 300 млн сўм эвазига сув тозалаш қурилмаси ва махсус иншоот қуриш ишлари бошланган эди. Ҳозирги кунда мазкур сув тозалаш маркази орқали овулдаги 244 та хонадон тоза ичимлик суви билан таъминланмоқда. Ушбу сув тозалаш қурилмаси орқали ер ости

сувлари 35 метр чуқурликдан, диаметри 300 миллиметр бўлган 4 дона қувурлар орқали тортиб олиниб, керакисиз тузлар ва минераллардан тозаланган ҳолда аҳолига истеъмол учун етказиб берилляпти.

Шунингдек, Оқ олтин овулида ҳам аҳолини тоза ичимлик суви билан таъминлаш мақсадида худди шундай сувни чучуклаштирувчи ускуналар ўрнатилган "ЭКОС" станцияси фойдаланишга топширилган. Мазкур станция ёрдамида овулдаги 560 хонадон чучуклаштирилган сувдан фойдаланиш имкониятига эга бўлди.

# Дзюдо зали фойдаланишга топширилди

Болтабой МАҲҚУРБОНОВ, "O'zbekiston bunyodkori" мухбири.

**Ўзбекистон Республикаси мактабгача ва мактаб таълими вазирлиги, Ўзбекистон дзюдо федерацияси ташаббуси билан 12 та вилоятда 14 та дзюдо зали бунёд этилиши режалаштирилган эди.**

Жаҳон талабларига жавоб берадиган дзюдо залларидан бири Урганч шаҳридаги 19-ихтисослаштирилган давлат умумтаълим мактаби ҳудудида барпо этилди. Дзюдо мажмуасининг тантанали очилиш маросимида Хоразм вилояти ҳокими Жўрабек Раҳимов, Ўзбекистон Республикаси мактабгача ва мактаб таълими вазири Ҳилола Умарова, Республика дзюдо федерацияси раиси, Ўзбекистон Олимпия қўмитаси раиси ўринбосари Азизбек Комилов, Ёшлар сиёсати ва спорт вазири ўринбосари Шаҳрулла Маҳмудовлар сўзга чиқиб, янги спорт мажмуасини фойдаланишга топширилиши ўсиб келаётган ёшларни баркамол авлод бўлиб вояга етиши ва янги чемпионлар тайёрлашдаги аҳамиятига тўхталишди.

Мазкур мажмуада бир пайтнинг

ўзида 40 нафар спортчининг машғулот олиб бориш имконияти мавжуд. Спорт залида фаолият кўрсатадиган дзюдо секциясида умумтаълим мактаблари ҳамда ҳудуддаги маҳаллалардан 120 нафарга яқин ўсмир тажрибали тренерлар ёрдамида дзюдо сирларини ўрганишади.

– Бундай спорт мажмуаларини фойдаланишга топширилиши бизга фахр ва ифтихор туйғусини бағишлайди, – деди янгибозарлик спорт фахрийси Раҳимбой Шерзонов. – Негаки, бу ерда спорт билан шугулланаётган ёшлар бир кун келиб юртимиз доверғини янада кўларга кўтаради. Келгусида улар орасидан ҳам Алишер Юсупов, Гулназа Матниёзова, Шукржон Ҳамидова каби халқаро тоифадаги спорт усталари етишиб чиқади, деган умиддамиз.





## CHIDAMLILIK, ESTETIKA VA SIFATNING MUKAMMAL UYG'UNLIGI


HPL (High-Pressure Laminate) panellari ishlab chiqaruvchi AKFA BUILD kompaniyasi hamkorlarga zamonaviy va barqaror arxitektura yechimlarini taklif etadi. AKFA BUILD HPL panellarini ishlab chiqarish Yevropaning yetakchi kompaniyalaridan biri Pagnoni Impianti (Italiya)ning zamonaviy texnologiyasi va uskunolari yordamida amalga oshiriladi.

AKFA BUILD HPL panellarini ishlab chiqarish EN 438 standartiga mos keladi va ekologik toza materiallardan foydalanadi. Panellarning dekorativ sirlari selluloza qog'ozidan va mustahkamlangan ultrabinafsha nurlariga chidamli plyonkadan tayyorlangan. Mahsulotning ichki qismi uchun birlamchi tolali kraft qog'oz ishlatiladi. Kompaniya qalinligi va ishlatilish sohasi turli xildagi laminatlangan hamda ixcham panellarni o'z ichiga olgan har xil HPL panel variantlarini taklif qiladi.

### HPL PANELLARINING TURLARI:

- ☑ 0,6-2 mm gacha laminatlangan;
- ☑ ixcham 4-18 mm.

O'z navbatida, ixcham panellar quyidagi turlarga bo'linadi: interyer uchun (ichki dizayn) qalinligi 4-6 mm va eksteryer uchun (tashqi dizayn) qalinligi 6-18 mm. HPL panellari mebel va qurilish sanoatida pol va devorlarni qoplash, har qanday murakkablikdagi tashqi devorlarni bezash va qoplash uchun keng qo'llaniladi.



### AFZALLIKLARI:

- ☑ mustahkamlik va tashqi ta'sirlarga qarshilik;
- ☑ uzoq muddat foydalanishni ta'minlaydi;
- ☑ tuzilmasining barqarorligi va o'z-o'zini ushlab turish xususiyati ko'p yillar davomida chidamlilik va estetik ko'rinishni ta'minlaydi;
- ☑ rang, tekstura va fakturalarni tanlash qobiliyati noyob dizayn yechimlarini yaratishga imkon beradi;
- ☑ AKFA BUILD HPL panellari ekologik toza materiallardan foydalanadi va turli loyihalar uchun mos keladi;
- ☑ AKFA BUILD HPL panellarini o'z-o'zini ushlab turish konstruksiyasi va optimal o'lchamlari tufayli o'rnatish oson;
- ☑ panellarni tozalash va saqlash oson, bu loyihalarni amalga oshirish va obyektlardan foydalanish xarajatlarini kamaytiradi;
- ☑ xona ichida va binolarning tashqi devorlarida foydalanish uchun mos keladi;
- ☑ turli qalinliklarni tanlash imkoniyati panellarni har xil loyihalar va talablarga moslashtirish imkonini beradi.

AKFA BUILD HPL panellari sizning loyihangiz uchun ishonchli, estetik va ekologik toza yechimdir. Ular mustahkamlik, chidamlilik va keng dizayn imkoniyatlarini birlashtirib, noyob arxitektura yechimlarini yaratishga imkon beradi.



## AKFA BUILD bu binolarni qurish uchun zamonaviy yechim.

